



Broj: 10/E-11-5582/25

Sarajevo: 19-09-2025 . godine

Na osnovu člana 10. stav (3) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a shodno zahtjevu Službe za lokalno-ekonomski razvoj i mjesnu samoupravu broj: 11-45-sl/25 od 17.09.2025. godine, Opštinski načelnik d o n o s i:

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se usluge rezervacije smještaja u Tirani, Albanija i Ioannini, Grčka, za potrebe realizacija projekta „Streets for Citizens“, koji se provodi u okviru transnacionalnog programa Interreg Euro-MED.

Član 2.

Procijenjena vrijednost za nabavku usluga iz člana (1) ove odluke iznosi ukupno 2.232,00 KM bez PDV-a, a sredstva su planirana u Budžetu Općine Centar Sarajevo za 2025. godinu, na budžetskom kontu: 613100 – Putni troškovi (projekt Streets for Citizens 1.7.1.7).

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Služba za lokalno-ekonomski razvoj obratila se zahtjevom broj: 11-45-sl./25 od 17.09.2025. godine, za donošenje odluke o izuzeću od primjene Zakona o javnim nabavkama BiH za nabavku usluga rezervacije smještaja u Tirani, Albanija i Ioannini, Grčka, za potrebe realizacija projekta „Streets for Citizens“, koji se provodi u okviru transnacionalnog programa Interreg Euro-MED.

Nabavka se vrši u skladu sa članom 121. Uredbe Evropske komisije (718/2007 i 80/2010), kojim je propisano da se postupci nabavke koji se realizuju van teritorije Evropske unije, a finansirani su sredstvima EU, provode se u skladu sa PRAG pravilima realizacije nabavki.

Projekat se u cijelosti finansira iz sredstava Evropske unije kroz Interreg Euro-MED program.

Procijenjena vrijednost nabavke iznosi 2.232,00 KM bez PDV-a.

Sredstva su planirana u Budžetu Općine Centar Sarajevo za 2025. godinu, na budžetskom kontu: 613100 – Putni troškovi (Projekt Streets for Citizens 1.7.1.7).

U sklopu projekta planirana je nabavka usluga – rezervacija smještaja u Tirani, Albanija i Ioanninu, Grčka zbog posjete i boravka članova tima za implementaciju projekta „Streets for Citizens“ u Ioanninu, Grčka.

Predmetna nabavka će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG ("EuropeAid", 12.21, 01.23, 11.23 i 01.25).

Shodno navedenom, neophodno je, prije sprovođenja postupka nabavke, donijeti odluku o izuzeću od primjene Zakona o javnim nabavkama BiH, u skladu sa članom 10. stav (3) ovog Zakona, koji omogućava izuzeće u slučajevima kada se sredstva obezbjeđuju putem međunarodnih sporazuma ili projekata, a uslovi ugovaranja su definisani samim projektom i partnerskim odnosima.

Članom 18. stav (1) Zakona o javnim nabavkama propisano je da ugovorni organ pokreće postupak javne nabavke donošenjem odluke ili rješenja u pisanom obliku. Stavom (2) istog člana propisano je da, u slučaju izuzeća od primjene iz člana 10. ovog zakona ili kod dodjele ugovora o nabavci usluga iz Aneksa II., ugovorni organ mora donijeti odluku koja, osim zakonske osnove za izuzeće od primjene ovog zakona, sadrži i osnovne elemente iz stava (1) tač. b), c) i d) ovog člana.

Članom 10. stav (3) Zakona o javnim nabavkama propisana su izuzeća od primjene odredbi ovog zakona kod dodjele ugovora o javnoj nabavci prema međunarodnim pravilima, pri čemu je navedeno:

„U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.

U skladu s naprijed navedenim, ispunjeni su uslovi za izuzeće od primjene Zakona o javnim nabavkama („Službeni glasnik BiH“, broj 39/14, 59/22 i 50/24), u skladu s članom 10. stav (3) navedenog zakona.

Analizirajući predmetni zahtjev, utvrđeno je da su ispunjene pretpostavke za realizaciju, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613100 – Putni troškovi (projekt Streets for Citizens 1.7.1.7).

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama BiH na konačno odobravanje i saglasnost.

Cijeneći prethodno navedeno, kao i zahtjev Službe za lokalno-ekonomski razvoj i mjesnu samoupravu, broj: 11-45-sl./25 od 17.09.2025. godine, Općinski načelnik je donio odluku kao u dispozitivu.



Dostaviti:

1. Službi za LER i mjesnu samoupravu - ovdje
2. Kabinetu općinskog načelnika - Odsjek za javne nabavke
3. Službi za finansije
4. Evidenciji